

1937

ბიბლიოთეკა
საქართველოს



6

პიონერო

1 9 3 7 5





პიონერი

საქ. ალკც ცენტრალური კომიტეტისა და საქ.
განსახკომის ერთიანი ჟურნალი.

1937 წ.

№ 6

საქ. კ. პ. (ბ) ც. კ-ის გამომც.—„კომუნისტი“. რედაქციის მისამართი: თბილისი, გრიბოედოვის ქ. № 34. ტელ.—3—02—61

შინააქსი

	88.
1. ტრ. რუხაძე — შოთა რუსთაველი	1
2. შოთას აფორიზმები	4
3. ელ. აგლაძე — ჩრდილო პოლუსისაკენ	6
4. ბ. კაჭახიძე — შაქრის ქურდი	12
5. ბ. ნატროშვილი — მაქსიმ გორკი	13
6. ვლ. კახიანი — ანჩხლი ჩიტუნიები	15
7. გასართობი	

შოთა რუსთაველი

მის არ გაუგონია და არ წაუკითხავს „ვეფხისტყაოსნის“ ერთი სტროფი მაინც! ყოველ მათგანში ხელიხელ საგოგმანები მხატვრული მშვენიერებაა ჩაქსოვილი.

ამ პოემამ ბრწყინვით გამოიარა რვა საუკუნე.

„ვეფხისტყაოსნის“ ავტორი ჭეშმარიტად დაფასებულია ახლა, ჩვენ დროს, ლენინისა და სტალინის ეპოქაში. რევოლუციამდის იმის ერთი მეთაურიც არ გაკეთებულა, რაც ჩვენ დროს კეთდება შოთა რუსთაველის ლიტერატურული მემკვიდრეობის შესწავლისა და დაფასების საქმეში. ახლა ცალკე სამეცნიერო ორგანიზაციაც — კი არსებობს, ე. წ. „რუსთაველის ინსტიტუტი“, რომელიც ძირითადად „ვეფხისტყაოსნის“ შესწავლას ისახავს მიზნად. მიმდინარე წლის შემოდგომაზე ქართველი და საბჭოთა კავშირის ხალხები, მთელი მოწინავე კაცობრიობა ზეიმობს შოთა რუსთაველის დაბადებიდან 750 წლის თავს. ეს იქნება ნამდვილი სახალხო ზეიმი. აქ ერთხელ კიდევ დამტკიცდება, ლენინ-სტალინის იდეებზე აღზრდილ ჩვენ თაობას როგორ უყვარს წარსული ლიტერატურული მემკვიდრეობის დაფასება. წინათ ასე არ აფასებდნენ შოთა რუსთაველს.

„ვეფხისტყაოსნის“ ავტორის ისტორიიდან

ბერ-ხუცეებმა შოთა რუსთაველის თხზულება თავიდანვე აითვალწუნეს: ეს პოემა ქრისტიანობას ეწინააღმდეგება და მწვალებლურ აზრებს თესავსო, — გაჰკიოდნენ ისინი. მე-17 საუ-

კუნის ქართველი პოეტის არჩილის თქმით, „ვეფხისტყაოსანს“ „ჩხრეკდენ, მაგრამ შიგ ისეთს ვერარას პოებდნენ“. „ვეფხისტყაოსანს“ წინ წაუძღვარეს ერთი სასიგნალო სტროფი, სადაც მკითხველებს აფრთხილებდნენ: ეს პოემა ირანული, ე. ი. მაჰმადიანური თხზულებაა, სულის საზიანოა და საიქიო ცხოვრებას დაგვაკარგვინებსო. მოვიყვანოთ ეს ანტირუსთავე-




ლური სტროფი, რომელიც „ვეფხისტყაოსნის“ ყველა 20 უძველეს ხელნაწერში გვხვდება. (პოემა ჩვენამდის მოღწეულია ოცი უძველესი, მე-17—18 საუკ., და 30-ის ახალი დროის ხელნაწერით):

„პირველ თავი დასაწყისი ნათქვამია იგ სპარსულად, უხმობთ ვეფხისტყაოსნობით, არას შეიქს ხორცსა სულად, საეროა, არ ახსენებს სამებასა ერთ არსულად და არ გვარგებს საუკუნოს, რა დღე იქნას აღსასრულად“.

მაგრამ იყვნენ ძველად ადამიანები, რომლებიც არ ეთანხმებოდნენ რუსთაველის პოემისადმი ასეთ დამოკიდებულებას. ასეთი იყო, მაგალითად მე-18 საუკუნის პოეტი და მეცნიერი ვახტანგ VI. მან პირველად დაბეჭდა „ვეფხისტყაოსანი“ და თან განმარტებანი დაურთო. ამ განმარტებებში ვახტანგ VI ამტკიცებს, სამღვდელოების აზრი არ არის მართალი შოთა რუსთაველის მიმართ, „ვეფხისტყაოსანში“ ქრისტიანული აზრებია მოცემულიო.

საკელსიო წრეებმა არ მიიღეს ვახტანგ VI-ს შეხედულება და მის მიერ დაბეჭდილი „ვეფხისტყაოსანი“ დაწვეს. ერთერთი ძველი ისტორიკოსის პლატონ იოსელიანის და მიტროპო-


1201





ნახეს უცხო მოყმა ვინამ,
 ჯდა მბირალი წყლისა პირსა.

○



მესტ ან-დარეჟანი წირილს წირს ტარიელს.
 მხატვარი ირ. თ. თ. ი. ძე
 ფოტო-რეპროდუქცია რ. ა. კ. ფ. თ. ვ. ს. ა.

ლიტი ევგენის სიტყვით, ეს ჩაუდგინა მე-18 საუკუნის კათალიკოსს ანტონ 1-ს. აი რას წერს პ. იოსელიანი: „ანტონ პირველი, რომელმაც მრავალნი დაბეჭდილნი მეფის ვახტანგის დროსა 1710 (1712) წელსა „ვეფხისტყაოსანი“ დაჰსწუნა და შთააყრევინა მტკვარში და აღუკრძალა კითხვა წიგნისა ამისა ქართველთა“. ანტონი თავის ერთერთ თხზულებაში წერს, რომ შოთა რუსთაველი „ამაოდ დაჰშურა, საწუხარ არს ესეო“ ე. ი. „ვეფხისტყაოსნის“ დაწერით ამაო შრომა გასწიაო.

ასევე ებრძოდა შოთა რუსთაველს მეორე საეკლესიო პირი, ტიმოთე გაბაშვილი: ამან 1756 წელს იმოგზაურა ქრისტიანულ აღმოსავლეთში, სადაც ერთერთ მონასტერში კედელზე ნახა სურათი ზედწარწერით „შოთა“, ეს შოთა მან „ვეფხისტყაოსნის“ ავტორად იგულა და სხვათა შორის ასეთი სიტყვები მიუძღვნა:

„ესე იყო მთქმელი ლექსთა ბოროტთა, რომელმან ასწავლა ქართველთა სიწმინდისა წილ ბოროტი ბილწება და განჰყრუნა ქრისტიანობა“.

ამგვარად, „ვეფხისტყაოსნის“ ლექსი წოდებულია „ბოროტ ლექსად“! საეკლესიო წრებთან ერთად არც სხვები ეპყობოდნენ დადებითად შოთა რუსთაველს. ზოგი ამბობდა „ვეფხისტყაოსანში“ „მოგონილ-მოკორილი ამბები წერიაო“, ზოგი კიდევ რას...

მიუხედავად ამისა, იყვნენ პროგრესული ძალები, რომლებიც შოთა რუსთაველს ღირსეულად აფასებდნენ: იყენებდნენ ადგილებს მისი პოემიდან, იმოწმებდნენ მას, მიაჩნდათ იგი პოეზიის მეფედ... ყველაზე უფრო უკეთ ხალხმა შეინახა გენიოსი პოეტი. აი როგორ ალაპარაკებს შოთას პოეტი არჩილი:

„საქართველო სავეს არის, ჩემი წიგნი ყველგან გაჰქუხს, ვის ლხინი აქვს, მას უბნობენ, ანუ გული ვისაც უწუხს, მხიარულად წაიკითხვენ, მასზედ თვალნი არვის უწუხს“.

ზოგიერთი რამ რუსთაველის ბიოგრაფიიდან

ძნელია შოთა რუსთაველის ბიოგრაფიის აღდგენა. მე-12 საუკუნეში, როდესაც მოღვაწეობდა გენიოსი პოეტი, არავითარი ცნობა არ დაგვიტოვა რუსთაველის ბიოგრაფიისათვის. არც მე-13-14 საუკუნის ისტორიულ მასალებში შენახულა რაიმე ცნობა შოთას გარშემო. მართალია, 12-13 საუკუნის ისტორიაში მოიხსენი-

ნიება „შოთა“, მაგრამ შეიძლება ეს შოთა სრულიად სხვა პირი იყოს, და არა „ვეფხისტყაოსნის“ ავტორი.

ძველი დროის ქართველ პოეტებს ერთი კარგი თვისება ჰქონდათ: თავისი სახელი თუ გვარი უნდა მოეხსენებინათ თავისი თხზულების რომელიმე ნაწილში, უფრო ხშირად შესავალში ან ბოლოში. ასე მოქცეულა ჩვენი შოთა რუსთაველიც. „ვეფხისტყაოსნის“ შესავალში და ბოლოსიტყვაობაში მოხსენებულია რუსთაველი:

„დავჯე, რუსთველმან გავლექსე მისთვის გულაზვარსობილი“

„მე, რუსთველი ხელობითა, ვიქმ საქმესა ამადარი“

„ესწერ ვინმე მესხი მეღექსე“ და სხვ.

სახელი შოთა პოემაში არ გვხვდება. ყველაზე ვრცელი ცნობა შოთა რუსთაველის ბიოგრაფიისათვის გვხვდება მე-16-18 საუკუნის პოეტთა და მწერალთა შემოქმედებაში, მაგრამ ეს ცნობები ზოგჯერ ლეგენდარულია. შოთას უმოღვაწია თამარ მეფის კარზე, თამარი კი მე-12 საუკუნის მეორე ნახევარსა და მე-13 საუკუნის დამდეგს მეფობდა. შოთას განათლება მიუღია საქართველოში და საზღვარგარეთ, ყოფილა თამარის მდივანი, მეჭურჭლეთუხუცესი და, ერთთა გადმოცემით, თვით თამარ დედოფალი შეჰყვარებია, რომელთანაც უბედო სიყვარულის შედეგად დაუწერია „ვეფხისტყაოსანი“, რის შემდეგ ბერად შემდგარა ჯვარის მონასტერში, სადაც კიდევ გარდაცვლილა მოხუცებული. დღესდღეობით ჩვენი მეცნიერები კიდევ ეძებენ საბუთებს, რომ აღადგინონ რუსთაველის ბიოგრაფია, რომ ამით უფრო ნათელი წარმოდგენა იქონიონ დიდი პოეტის ლიტერატურულ მემკვიდრეობაზე.

ყველაზე ბრწყინვალედ რუსთაველის უდიდეს პიროვნებას მისი „ვეფხისტყაოსანი“ ახასიათებს.


რას შეიცავს „ვეფხისტყაოსანი“?

კარგად უთქვამს ძველი დროის ერთერთ ქართველ პოეტს რუსთაველის ენით:

„ვთქვი ჩემგან უწინ არ თქმული, არც შემდგომთ მოსაპოვარი“. მართლაც, თუმცა ქართველებს შოთამდისაც მდიდარი ლიტერატურული მემკვიდრეობა ჰქონდათ, „ვეფხისტყაოსანისებური“ არც ერთი თხზულება არ დაწერილა. მე-5 საუკუნიდან მე-12 საუკუნემდის მწერლობა უფრო მეტად საეკლესიო ხასიათისა იყო და ორიოდე მხატვრული ნაწარმოებით ამოიწურებოდა. „ვეფხისტყაოსანი“, რომ-



სხალი ბავტყორცა, გარღვივირა,
მეფხისთქაოსანი, ხელითა.



ნესტან-დარეჯანის მოტაცება არაბების მიერ.
მხატვარი იო. თოქიძე
ფოტო-რეპროდუქცია რ. აკოფიას

მლის ყველა სტროფი კარგი და მიმზიდველია, მხატვრული და მუსიკალურია, მართლაც რომ განუმეორებელი დარჩა დღემდის, რვა საუკუნის შემდეგაც. ისეთ პიროვნებებს, როგორც შოთა იყო, არამც თუ საუკუნეები, არამედ მთელი ეპოქებიც თითოთოროლას შექმნიან.

„ვეფხისტყაოსანი“ აგებულია მე-12 საუკუნის საქართველოს ცხოვრების ფონზე და იძლევა იმის სურათს, თუ როგორ ცხოვრობდა და როგორ აზროვნებდა ქართველი საზოგადოების ყველაზე მოწინავე ნაწილი იმ დროს.

პოემის თითოეული სტროფი ამტკიცებს შოთა რუსთაველის ღრმა მომზადებას; ის იცნობს არაბულს, სპარსულს, ბერძნულ ლიტერატურას და ფილოსოფიას. მას საუკეთესოდ აქვს შესწავლილი კარის ცხოვრების ყოველი წვრილმანი, ის იცნობს სამეფო წყობილებას, სამხედრო ხელოვნებას და ნათლად ასახავს მას.

პოემის გმირები ტარიელი და ავთანდილი რაინდობის, სიმამაცისა და გმირობის ნიმუშებს წარმოადგენენ. მათთვის დამახასიათებელია

ბელია ვაჟკაცობა, ნებისყოფის დიდი ძალა, მეგობრისადმი სიყვარული და მისთვის თავის დადება, უფროსისა და ქალის პატივისცემა, გაჭირვებულის სიბრალული და გამოსარჩლება, დაწყებული საქმის ბოლომდის მიყვანა და სხვ.

რუსთაველის პოემის მთელ სიგრძეზე გაბნეულია მოწინავე პროგრესული აზრები, რომელთაგან ბევრს დღესაც, 800 წლის შემდეგაც არ დაუკარგავს მნიშვნელობა და რომლებიც დღესაც მოსაწონი და მომხიბვლეელია. ამიტომ არის, რომ საუკუნეების მანძილზე ქართველმა ხალხმა ზეპირადაც კი შეინახა ეს უზარმაზარი ლამაზი პოემა. მუდამ შეხვედბოდით და შეხვედებით ისეთ გლეხებს, რომლებსაც არასოდეს ანბანი არ უსწავლიათ, მაგრამ მაინც იციან პოემის მთელი რიგი ადგილები და ზოგჯერ მთელი პოემაც. ისინი საუბრის დროს ხშირად იმოწმებენ პოეტის ბრძნულ, სხარტულად თქმულ აზრებს.

მაშ ჩვენც ვიკითხოთ და უფრო ღრმად შევისწავლოთ დიდი პოეტის დიდი მხატვრული ძეგლი

შოთას აფორიზმები

ლეკვი ღომისა სწორია, მუ იყავს, თუნდა ხვადია.

სხვისა სხვამან უკეთ იცის სასარგებლო საუბარი.

ხამს მოყვარე მოყვრისათვის თავი ჭირსა არ დამრიდად, გული მისცევს გულისათვის, სიყვარული გზად და ხიდად.

ზოგჯერ თქმა სჯობს ანა თქმასა, ზოგჯერ თქმითაც დაშადიღბის.

მტერი მტერსა ვერას ავნებს, რომე კაცი თავსა ივნებს.

სჯობს სახელისა მოხვეჭა ყოველსა მოხასვეჭელსა.

სჯობს სიცოცხლესა ნაზრახსა სიკვდილი სახელღვანი.

ჰხვა სხვისა ომსა ბრძენია.

ჭირსა შიგან გამაგრება ასრე უნდა, ვით ქვიტკირსა.

არ იგი, ვარდი უგვლოდ არავის მოუკრებინა?


გველსა ხვრელით ამოიყვანს ენა ტკბილად მოუბარი.

გონიერსა მწვრთელი უყვარს, უგუნურსა გულსა ჰგმირდეს.

კვკასა შიგან რაცა დგას, იგივე წარმოხდინდების.



რა ესმოლის მღერა ყმისა, სმენად მხეცნი მოვიდიან,
მისევე ხმისა სიტკბოსაგან წყლით ქვანიცა გამოსხდიან.



რუდოლფის კუნძულთან

ყინულის სამყაროში, რუდოლფის კუნძულამდის სამი კილომეტრის დაშორებით, უჩვეულო სტუმრებს-აღამიანებს კარავი გაუმართავთ.

მკაცრი ქარიშხალი შემადრწუნებლად ღმუის და შეუბრალებლად არყევს მას. კარავში კი მხოლოდ სამი არსება სუნთქავს... ეს ჩრდილო პოლუსისაკენ მიმავალი ექსპედიციაა: რუსი პოლარული მკვლევარი გიორგი სედოვი და მისი ორი თანამგზავრი. ცინგით დაავადებულმა გიორგი სედოვმა ველარ შეძლო განეგრძო მძიმე გზა ჩრდილოეთ პოლუსისაკენ... ის აქ, ამ ცივ კარავში დაბინავდა, რომ შებრძოლებოდა სიკვდილს, და აქვე, თავის თანამგზავრთა მუხლებზე, გამოეთხოვა საყვარელ სიცოცხლეს. ეს იყო 1914 წლის 5 მარტს.

ექსპედიცია გიორგი სედოვის ხელმძღვანელობით 1912 წელს გავიდა. არხანგელსკიდან და მხოლოდ 13 თვის შემდეგ მიაღწია მისმა გემმა „სვიატოი ფოკამ“ ფრანც იოსების მიწის სამხრეთ სანაპიროს. აქ ყურე ტიხოეში დაიზამთრა ექსპედიციამ. მოზამთრეთა უმრავლესობა, მათ შორის გიორგი სედოვიც, ცინგით დაავადდა. მიუხედავად ავადმყოფობისა, მან ორი თანამგზავრის თანხლებით 1914 წლის 15 თებერვალს მარხილებით გასწია ჩრდილოეთ პოლუსის მიმართულებით.

ასე დასრულდა რუსეთის პირველი სამეცნიერო-საკვლევო ექსპედიციის მუშაობა.

მოკლე გზა აღმოჩენილია

ჩრდილოეთ პოლუსი, ეს საიდუმლოებით მოცული ნაწილი დედამიწისა, სხვადასხვა ქვეყნის ბევრ მკვლევარს იზიდავდა. განსაკუთრებით ინგლისისა და ჰოლანდიისათვის იყო დიდმნიშვნელოვანი არქტიკისა და ჩრდილოეთ პოლუსის დაპყრობის საქმე: მათ მეტად შორი

მანძილის შემოვლა უხდებოდათ ამერიკასა და ინდოეთამდის მისასვლელად და ამიტომ ისინი მოკლე გზას ეძებდნენ, რომელსაც უნდა გადაევიდა ცივი ქვეყნები. ეს იდეა ჯერ კიდევ მე-16 საუკუნის პირველ ნახევარში გაღვივდა... ყინულოვანმა ზღვებმა ბევრი მოგზაური იმსხვერპლა, მიზანი კი განუხორციელებელი დარჩა.

და აი მხოლოდ 1827 წელს მოეწყო პირველი სერიოზული ექსპედიცია ინგლისელი მეზღვაურის ედუარ პარის ხელმძღვანელობით. ედუარდ პარიმ ექსპედიციის 29 მონაწილით ხომალდი „გეკლა“ შპიცბერგენის ჩრდილოეთ ნაწილამდის მიიყვანა. აქედან თხილამურებზე დადგმული ორი ნავით ექსპედიცია ფეხით გაემართა ჩრდილოეთ პოლუსის მისაღწევად, მაგრამ პარი ვერ გასცდა ჩრდილოეთ განედის 82 გრ. და 45 მინ.

საყურადღებო მოგზაურობა ჩაატარა შვედმა მეცნიერმა ნორდენშელდმა. მან აღმოაჩინა ჩრდილო-აღმოსავლეთის გზა: 1878 წელს გემით — „ვეგა“ გაემართა ნორდენშელდი სამოგზაუროდ. დაიზამთრა ყინულებში, შემდეგ გაიარა ბერინგის სრუტე და 1879 წელს დაეშვა იაპონიისაკენ. მან შემოუარა მთელ აზიასა და ევროპას და 1880 წელს დაბრუნდა სამშობლოში.

ნორდენშელდმა პირველმა შეძლო გაეცლო საუკუნეების მანძილზე მოგზაურთათვის საოცნებო მიულწვევლი გზა.

მოძრავი ყინულები

ამერიკული საექსპედიციო გემი, სახელად „ჟანეტა“, ნორდენშელდის საძებნელად გაემგზავრა. ნორდენშელდს დაღუპულად თვლიდნენ. გემი „ჟანეტა“ ახალი ციმბირის კუნძულებთან ყინულში ჩაიჭედა. გემი დაიმსხვრა...

გაიარა რამდენიმე წელმა, და „ჟანეტას“ ნამსხვრევები გრენლანდიის ნაპირებთან აღმოაჩინეს. ეს ფაქტი ნორვეგიელი პოლარული



არქტიკისა და ჩრდილოეთ პოლუსის მკვლევარი. ფ. ნანსენი და პირი

მკვლევარის ნანსენისათვის ბევრის მიტმე-ლი იყო, და აი სახელდობრ რისა:

იმის შესახებ, თუ რას წარმოადგენს ჩრდი-ლოეთ პოლუსი, მეცნიერები სხვადასხვა აზ-რისა იყვნენ. ზოგიერთი ამტკიცებდა, პოლუს-ზე ყინულისაგან თავისუფალი ზღვააო, ზოგნი კი ფიქრობდნენ იქ მიწააო. ამ შეხედულებებს არ იზიარებდა ფრიტიოფ ნანსენი. მი-სი აზრით, ჩრდილოეთ პოლუსი წარმოადგენ-და ღრმა ოკეანეს, დაფარულს უზარმაზარი, მთლიანი და, რაც მთაუარია, მოდრეიფე (მო-ძრავი) ყინულებით. სწორედ ეს შეხედულება განამტკიცა „ჟანეტას“ ნამსხვრევების პოვნამ. ამას გარდა ამ ფაქტმა ნანსენი იმ დასკვნამ-დისაც მიიყვანა, რომ გზა, რომელიც გაიარა ამ ნამსხვრევებმა ახალი ციმბირის კუნძულე-ბიდან გრენლანდიის ნაპირებამდის, ყველაზე იოლი გზა იყო ჩრდილოეთ პოლუსის მისაღ-წევად. და მართლაც, ნანსენმა გადაწყვი-ტა მოძრავი ყინულებისათვის მიენდო გემის მიყვანა ჩრდილოეთ პოლუსზე. ნანსენმა ამ მი-ზნით ააგო გემი „ფრამი“, რომელსაც მეტად მომრგვალებული გვერდები ჰქონდა—იმისა-თვის, რომ ყინულებში ჩაჭედვისას ზევით ამო-წეული გემი დამსხვრევას გადაარჩენილიყო. 1893 წლის 25 იანვარს გემი „ფრამი“ ნორვე-გიიდან გამოვიდა და ახალი ციმბირის კუნძუ-ლებისაკენ გასწია. „ფრამი“ მდინარე ლენას შესართავთან უზარმაზარ, თვალუწვდენელ ყი-ნულებში ჩაიყინა და ამ მოძრავ ყინულებთან ერთად დაიწყო ნელი სვლა ჩრდილოეთით. მაგრამ ნანსენს იმედები არ გაუმართლდა: „ფრა-მმა“ ჩრდილოეთ პოლუსს დაახლოვებით 400 კილომეტრის დაშორებით აუარა გვერდი და გრენლანდიის ზღვაში შევიდა. ნანსენმა, რო-გორც კი შენიშნა, რომ მისი გემი ჩრდილოეთ პოლუსს ასცდა, დატოვა იგი და ერთი თანა-მგზავრის თანხლებით მარხილებით განაგრძო გზა. ეს მოხდა 1895 წლის 14 მარტს. 7 აპ-რილს ნანსენმა უკვე 86° 14' მიაღწია. მან 3°-ით გადააჭარბა ადრინდელ მოგზაურებს. აქ ნანსენის ექსპედიციამ შეაჩერა წინსვლა,


რადგან სანოვაგე შემოაკლ-დათ; ამის გარდა ექსპედიციის მონაწილენამ იმედები დაიქანცნენ მკაცრ პოლარულ ბუნებასთან ბრძოლით და პოლუსიდან პირი იბრუნეს. გეზი ფრანც იოსების მიწი-საკენ იყო აღებული.

ფრანც იოსების მიწაზე და-ზამთრების შემდეგ, 1896 წლის ივნისში ისინი ინგლისელთა ექსპედიციამ დააბრუნა სამ-შობლოში. ამავე წლის აგვის-ტოში მოძრავმა ყინულებმა ნა-

ნსენის გემი „ფრამი“ ნორვეგიამდის მიიტანეს.

საბედისწერი ბაზრენა

შპიცბერგენის ჩრდილო-დასავლეთ სანაპი-როდან 1897 წლის ივლისში აეროსტატი „არწივი“ მალა ასრიალდა და მალე მიიმა-ლა ლეგა ღრუბლებში... აეროსტატი სამ მა-მაც აღამიანს მიაჭოლებდა ჩრდილოეთისაკენ. ესენი იყვნენ: შვედი ინჟინერი სოლომონ ანდრე და მისი ორი თანამგზავრი—სტრა-ნბერგი და ფრენკელი. სოლომონ ანდრე პირველი აღამიანი იყო, რომელმაც სცადა საჰაერო გზით მიეღწია პოლუსისათვის. მამაცმა ანდრემ, მიუხედავად იმისა, რომ საჰაერო ტრან-სპორტი განვითარების მეტად დაბალ დონეზე იდგა, გადაწყვიტა მოეწყო პოლარული და, თუ მოსახერხებელი იქნებოდა, ტრანსპოლა-რული გაფრენა არქტიკაში. ე. ი. მას სურდა არა თუ მიეღწია პოლუსამდის. არამედ გა-დაეფრინა კიდევაც პოლუსის იქით. მაგრამ ანდრეს გაფრენა საბედისწერო გამოდგა: თავ-განწირული მფრინავები უგზოუკვლოდ დაი-კარგნენ...



გემი „ჟანეტა“ — ახალი ციმბირის კუნძულებთან ყინულ-ში ჩაჭედული.

მათი დაღუპვის შემდეგ 33 წელმა განვლო... ნორვეგიელთა სამეცნიერო-სარეწაო ექსპედიცია შპიცბერგენსა და ფრანც იოსების მიწას შორის მდებარე თეთრ კუნძულზე შემთხვევით წააწყდა სამი ადამიანის გვამს... ეს იყო სოლომონ ანდრესა და მისი ორი თანამგზავრის გვამები. სოლომონ ანდრეს დაფლეთილ ტანისამოსში მათ აღმოაჩინეს კარგად შენახული დღიურები. მალე მრავალ ენაზე ამეტყველდნენ დღიურები და აცნობეს მსოფლიოს, თუ როგორ დაიღუპა სოლომონ ანდრეს თავისი ორი თანამგზავრით. ეს დღიურები მოგვითხრობს, თუ როგორ გადაეკრა აეროსტატს ყინული და როგორ დაკარგა ფრენის უნარი დამძიმებულმა აეროსტატმა. „არწივმა“ შპიცბერგენის ნაპირებიდან 300 კილომეტრის მანძილზე შეწყვიტა ფრენა და დაეშვა ყინულზე. ექსპედიციის მონაწილენი შეეცადნენ ფრანც იოსების მიწაზე ან შპიცბერგენზე მისვლით გადაერჩინათ თავი დაღუპვისაგან, მაგრამ ქარიშხალი და ყინულების არეული მოძრაობა არ აძლევდა მათ ამის საშუალებას. მათ შეძლეს მხოლოდ თეთრ კუნძულზე მიღწევა და აქვე, ამ უდაბურ კუნძულზე დაიღუპნენ. 1930 წელს, მათი დაღუპვიდან 33 წლის შემდეგ, სამი მამაცი მფრინავის გვამი სამშობლოს დაუბრუნდა...

საჰაერო ბუნი

28 წლის წინათ ჩრდილოეთ პოლუსზე თვალუწევდნელ ყინულებს შორის აიშარათა ამერიკული დროშა. მთელ მსოფლიოს მოედო საინტერესო ცნობა: ამერიკელმა პოლარულმა მკვლევარმა რობერტ პირიმ ჩრდილოეთ პოლუსს მიაღწია, მან იქ დაჰყო 30 საათს, აწარმოვა ზოგიერთი დაკვირვება და უკან დაბრუნდა, მაგრამ პირის დაკვირვებათა გვიანდელმა შემოწმებამ ნათელყო, რომ ჩრდილოეთ პოლუსზე, იმ წერტილში, სადაც თავს იყრიან მერიდიანები, რობერტ პირი არ ყოფილა.

ჩრდილოეთ პოლუსი ისევ მიუღწეველი, ისევ საიდუმლოებით მოცული დარჩა. ყინულის სამყარო კვლავ ძლიერი ძალით იზიდავდა მოგზაურებსა და მკვლევარებს. ეს უკვე ის დრო იყო, როდესაც ავიაციამ სწრაფი ტემპით იწყო განვითარება, რაც შეუძინეველი არ დარჩა შესანიშნავ ნორვეგიელ მკვლევარს, როალდ ამუნდსენს.

1909 წლიდანვე შეუდგა ამუნდსენი ავიატორებთან მოლაპარაკებას. დაიწყო სამზადისი ექსპედიციის მოსაწყობად, მაგრამ სრულიად მოულოდნელად ამუნდსენმა გეზი იცვალა და ჩრდილოეთ პოლუსის ნაცვლად 1911 წლის 14 დეკემბერს სამხრეთ პოლუსს მიაღწია.

სამშობლოში დაბრუნებისთანავე შეისწავლა

მან საფრენოსნო საქმე, შეიძინა თვითმფრინავი, მაგრამ ამუნდსენის საქსპედიციო მუშაობა მსოფლიო ომმა რამდენიმე წლით შეაჩერა. 1922 წლიდან კი იგი კვლავ შეუდგა სამზადისს საჰაერო ექსპედიციის მოსაწყობად. მან ალიასკის სანაპიროზე კონცხ ბაროუსთან მოაწყო საფრენოსნო ბაზა. სამი წლის შემდეგ ამუნდსენი უკვე აწყობს დიდ საჰაერო ექსპედიციას. ჰიდროპლანებმა № 24 და № 25 სტარტი აიღეს შპიცბერგენზე, იმ ადგილის მახლობლად, საიდანაც ერთ დროს აფრინდა სოლომონ ანდრეს აეროსტატი.

ექსპედიციის მიზანი იყო ჩრდილოეთ პოლუსის მიღწევა. 8 საათის ფრენის შემდეგ, მოტორის დაზიანებისა და სავაგი მასალის დიდი რაოდენობით დახარჯვის გამო, თვითმფრინავები ყინულზე დაეშვნენ. დაშვებამ უხიფათოდ ჩაიარა. მაგრამ თვითმფრინავების კვლავ აფრენისათვის საჭირო გაზ და აეროდრომის მოწყობა, რასაც 24 დღის მუშაობა დასჭირდა. ჰიდროპლანი № 24 ფრენისათვის უვარგისი გამოდგა და ის ყინულზე მიატოვეს. ექსპედიციამ მეორე ჰიდროპლანით განაგრძო გაზა და მიაღწია ჩრდილოეთ განედის 87° 43'. ექსპედიცია, თუმცა მან პოლუსს ვერ მიაღწია, ბრწყინვალედ დასრულდა.

სამი დროშა

1926 წლის 19 მაისს შპიცბერგენის საფრენოსნო ბაზიდან ამერიკელი მფრინავი რიჩარდ ბერდი ერთი თანამგზავრის თანხლებით გაფრინდა ჩრდილოეთ პოლუსისაკენ. მიაღწია პოლუსს და ყინულზე დაუშვებლად გამოფრინდა უკან. გაფრენა 15 საათს გაგრძელდა, თვითმფრინავმა დაფარა 2000 კილომეტრი.

11 მაისს კი ჩრდილოეთისაკენ გაემართა ამუნდსენის საჰაერო ხომალდი „ნორგე“ (ნორვეგია). დირიჟაბლს მართავდა იტალიელი უმბერტო ნობილე. ექსპედიციის მიზანი იყო ტრანსპოლარული გადაფრენა. (შპიცბერგენი—ჩრდილოეთ პოლუსი—ალიასკა) „ნორგემ“ ღამით გადაუჭროლა ჩრდილოეთ პოლუსს. დირიჟაბლიდან სამი დროშა დაეშვა პოლუსის თეთრ სივრცეზე. ეს დროშები იყო ნორვეგიისა, ანერიკის შეერთებული შტატებისა და იტალიისა, — ეს იმის აღსანიშნავად, რომ ექსპედიცია მოწყობილი იყო ნორვეგიელთა მიერ, ექსპედიციის მოსაწყობად ფული გაიღო ამერიკელმა ელსვორტმა, ხოლო დირიჟაბლი ეკუთვნოდა იტალიას. „ნორგე“ ორი დღის განმავლობაში ბურუსში მიფრინავდა და ქარიშხალს ებრძოდა, მაგრამ ექსპედიციამ ალიასკის მაინც უვნებლად მიაღწია. ფრენა 72 საათს გაგრძელდა. ეს ექსპედიცია მნიშვნელოვანია მით,

რომ ამ გადაფრენამ დაამტკიცა არქტიკაში ხანგრძლივი ფრენის შესაძლებლობა.

ნობილეს საძებნელად

1928 წელს უმბერტო ნობილემ დირიჟაბლით „იტალია“ შემდეგი მარშრუტი აიღო: შპიცბერგენი—ახალი მიწა—ფრანციოსების მიწა—შპიცბერგენი—ჩრდილოეთ გრენლანდია—ჩრდილოეთ პოლუსი—შპიცბერგენი.

ჩრდილოეთ პოლუსიდან უკან გამობრუნებისას დირიჟაბლი „იტალია“ ყინულმა დაფარა. დირიჟაბლი დამძიმდა და ძირს დაეშვა. ამ დროს დირიჟაბლს მოსწყდა წინა გონდოლა, რომელშიაც იყვნენ ნობილე და მისი ცხრა თანამგზავრი. მეორე გონდოლა შემსუბუქებულმა დირიჟაბლმა ისევ ზევით გაიტაცა...

ამინდი არახელსაყრელი იყო, მაგრამ ამუნდსენმა, როგორც კი მიიღო ცნობა ნობილეს დაღუპვის შესახებ, იმ დღესვე გაემართა მის დასახსნელად ჰიდროპლანით „ლატამ“.

რადიოკავშირი „ლატამთან“ მეორე დღესვე შეწყდა... ნობილეს საძებნელად საბჭოთა კავშირის წითელდროშოვანი გემი „კრასინიც“ გაემართა. „კრასინმა“ მალე იპოვა და გადაარჩინა ნობილეს ჯგუფი.

ამუნდსენი კი კვლავ არსად ჩანდა. მრავალი ნორვეგიელი დაეძებდა თავის საყვარელ გმირს. ჩვენი მფრინავი ბაბუშკინიც გაემართა მის საძებნელად, მაგრამ ძებნა ამაო აღმოჩნდა.

გავიდა რამდენიმე თვე, და სწორედ იმ ქალაქთან, საიდანაც გაფრინდა ამუნდსენი, „ლატამის“ ფრთის ნატეხები იპოვეს. ცხადი იყო, რომ პოლარული ქვეყნების უდიდესი მკვლევარი, სახელოვანი როალდ ამუნდსენი ნამდვილად დაიღუპა...

„მფრინავის ოცნება“

მამაცი მფრინავი, საბჭოთა კავშირის გმირი ვოდოპიანოვი ჯერ კიდევ რამდენიმე წლის წინათ გაიტაცა ოცნებამ ჩრდილოეთ პოლუსის დაპყრობის შესახებ. მისი ფიქრები მუდამ ჩრდილოეთ პოლუსს დასტრიალებდა, მას სურდა, მთელი სულითა და გულით სურდა დაეძლია ჩრდილოეთის მკაცრი ბუნება, საბოლოოდ დაემარცხებინა იგი. ერთხელ თავისი ოცნება მან ოტო შმიდტს გაუზიარა. შმიდტი მეტად



რ. ამუნდსენი

დააინტერესა ვოდოპიანოვის წინადადება და ურჩია მას გასცნობოდა სხვადასხვა მასალის არქტიკის დაპყრობის შესახებ, კარგად ეფიქრა მომავალ გაფრენაზე, შეედგინა პროექტი და მისთვის წარედგინა.

მიხეილ ვოდოპიანოვი შეუდგა საქმეს. ის 1935 წლის მთელი ზაფხულის განმავლობაში ეცნობოდა პოლარულ მკვლევართა წიგნებს, ჩანაწერებს, დღიურებს. განსაკუთრებით გაიტაცა


იგი ამერიკელი მფრინავის ბერდის მასალებმა. ბერდი ხომ მფრინავი იყო, ისევე, როგორც ვოდოპიანოვი, ის ხომ პირველი ადამიანი იყო, რომელმაც შეძლო თვითმფრინავით უდაბურ პოლუსზე მიფრენილიყო, და ამაზე მეტად ვინ დააინტერესებდა ვოდოპიანოს! მაგრამ ჩრდილოეთ პოლუსზე ფიქრით შეპყრობილი ვოდოპიანოვი არ კმაყოფილდებოდა წიგნებით. საბჭოთა კავშირს ჰყავს გამოცდილი პოლარული მოღვაწენი, მას ცოცხალი ადამიანებისაგან შეეძლო გაეგო ის, რასაც ქალაქის ფურცლებზე ვერასოდეს იპოვიდა.

და ვინ იცის, რამდენი საათი გაუტარებია მიხეილს პოლარულ მფრინავებ ბაბუშკინსა და ჩუხნოვსკისთან საუბარში. მან მრავალი საინტერესო ცნობა შეკრიბა აგრეთვე ძველი პოლარული მოღვაწის პაპანიჩისაგან.

„ჩვენ ბევრი საღამო გავგიტარებია ფრანციოსების მიწის დიდ რუკასთან არქიპელაგის მრავალრიცხოვანი კუნძულების თვალყურებაში. მე ვსთხოვდი პაპანიჩს მოეგონებინა ყოველი წვრილმანი თითოეული კუნძულის შესახებ. იმ მიზნით, რომ გამოგვერკვია, რამდენად გამოსადეგი იქნებოდა ესათვის კუნძული საავიაციო ზაზის მოსაწყობად. და ჩვენ იმ დასკვნამდე მივედით, რომ იმ მიზნისათვის ყველაზე ხელსაყრელია რუდოლფის კუნძული, რომელიც მდებარეობს ჩრდილოეთ განედის 82 გრადუსზე“, — მოგვითხრობს ვოდოპიანოვი.

ამის შემდეგ ვოდოპიანოვი შეუდგა თავისი პროექტის ქალაქზე გადატანას, მაგრამ პროექტი მას მშრალად არ დაუწერია. მთელი თავისი მისწრაფებანი, ფიქრები, განცდები მომავალი გაფრენის ირგვლივ მან აწერა ვრცლად, ცოცხლად და მხატვრულად. წიგნს უწოდა „მფრინავის ოცნება“ და განსახილვე-





სზე უნდა გადმოვსხათ მეცნიერული მუშაობის საწარმოებლად მოზამთრეთა ვეფხეფი. მოზამთრეთა ხელმძღვანელად ძველი პოლარელი პაპანინი დაინიშნა.

გასულ წელს ყინულმჭკრელი „რუსანოვით“ პაპანინი რუდოლფის კუნძულისაკენ გაემართა. „რუსანოვს“ მიჰქონდა მარაგი მთელი ექსპედიციისა და პოლუსის მოზამთრეთათვის. ყინულისმჭკრელს მიჰყავდა რუდოლფის კუნძულის მოზამთრენი, რომელთაც

ჩრდილოეთ პოლუსის დამკვირვებელად მასკაღმოსწავლის ხელმძღვანელი—ო. ზმიდტი, რაჟმის კომანდორი საბჟოთა კავშირის გირი—ვოდოპიანოვი

ლად წარუდგინა ოტო ზმიდტი. წიგნის წაკითხვის შემდეგ დიდხანს საუბრობდნენ ისინი.

„—მე ხშირად მიფრენია ჩრდილოეთით, — ეუბნებოდა ზმიდტი ვოდოპიანოვი. — ჩემს თვითმფრინავს გადაუქროლია ციმბირის ტაიგაზე, შორეულ აღმოსავლეთის გორაკებზე, ჩუკოტკის დახეტილი ყინულებით დაფარულ ზღვაზეც. პოლარული გადაფრენის გამოცდილება მაქვს. მაგრამ ერთი მაფიქრებს: დასავლეთისაკენ მე არ მიფრენია, აღმოსავლეთისა და დასავლეთის პირობები კი ერთმანეთისაგან მეტად განსხვავდება“. ვოდოპიანოვს არ სურდა გადაფრენის ტექნიკური პროექტი შეედგინა მანამ, სანამ არ გადაფრინდებოდა ფრანც იოსების მიწაზე ან შპიტცბერგენზე. ოტო იულევიჩი დახმარებას დაჰპირდა.

ვოდოპიანოვმა უკვე მიიღო ბრძანება—მომზადებულიყო მოსკოვიდან ფრანც იოსების მიწაზე გადასაფრენად.

ეს გადაფრენა გასული წლის დამდეგს ჩატარდა. ამის შემდეგ ვოდოპიანოვი აღარ დაექვევებულა თავისი მიზნების განხორციელების შესაძლებლობაში.

მალე ვოდოპიანოვმა გაიგო, რომ მისი გეგმა მთავრობის მიერ დამტკიცებულია. სამზადისიც დაიწყო.

მზადება გადაფრენისათვის

მომავალ ექსპედიციას ხელისუფლებამ ასეთი ამოცანა დაუსახა: მათ ჩრდილოეთ პოლუ-

სზე უნდა აეგოთ იქ საცხოვრებელი სახლები და მოეწყოთ აეროდრომი. რუსანოვმა მძიმე მგზავრობის შემდეგ უხიფათოდ მიაღწია აღნიშნულ კუნძულს.

უდაბურ კუნძულზე 16 დღეღამის განმავლობაში აიშარა ორი დიდი საცხოვრებელი სახლი, მოეწყო რადიოსადგური, აშენდა გარაჟი ტრაქტორებისათვის, სახელოსნოები, აბანო, საწყობები, რადიოანძები. კუნძულზე 20 მოზამთრე დარჩა.

პაპანინი კი მოსკოვში დაბრუნების შემდეგ შეუდგა მოზამთრეთა შერჩევას ჩრდილოეთ პოლუსისათვის. შერჩევა არ იყო ადვილი. თვითეული მოზამთრე კარგი სწავლული უნდა ყოფილიყო, რომ შესძლებოდა იქ მრავალი სახის მეცნიერული დაკვირვების წარმოება. ამას გარდა თვითეული მათგანი უნდა ყოფილიყო გამბედავი, მედგარი, ამტანი ადამიანი. ისინი ხომ მოდრეიფე ყინულზე უნდა დაეშვან და იქ უნდა იცხოვრონ მთელი წლის განმავლობაში; და აი, გადაწყდა: პაპანინთან ერთად ჩრდილოეთ პოლუსზე დაიხამთრებენ რადისტო კრენკელი, ასტრონომ—მაგნიტოლოგი ფედოროვი და ჰიდროლოგ—ჰირობიოლოგი შირშოვი.

მზადება სერიოზული, მოფიქრებული და მეტად გულმოდგინე იყო. ცის თვალუწვდენელ სივრცეებს სერავდნენ საბჟოთა მამაცი მფრინავები. ისინი ვარჯიშობდნენ და ვარჯიშის შედეგად უდიდეს ხელოვნებას მიაღწიეს.

რამდენიმე საწარმო მუშაობდა ექსპედი-



მამაცი მფრინავი პაპანინი, კრენკელი, ფედოროვი და შირშოვი

ტბის მოსამზადებლად. მოზამთრეთათვის მზადდებოდა მაღალხარისხიანი პროდუქტები, სპეციალური ტანსაცმისები და სხვადასხვა სახის ხელსაწყოები.

გაფრენისათვის ყველაფერი უკვე მზად არის.

პოლუსზე წითელი დროშა ფრიალებს

21 მაისი.

ჩვენგან შორს, ძალიან შორს, რუდოლფის ყინულოვან კუნძულზე ახლად დასახლებულთა გულები უჩვეულო

მღელვარებას მოუცავს. მფრინავი ვოდოპიანოვი ოთხი მოზამთრით გასაფრენად ემზადება...


ოთხ საათსა და 52 წუთზე რუდოლფის აეროდრომზე თვითმფრინავმა „სსსრ-170“-სტარტი აიღო. მან ამაყად გაშალა ფრთები და ჩრდილოეთ პოლუსისაკენ გაეშურა.

11 საათსა და 35 წუთზე დაეშვა ჩრდილოეთ პოლუსის მოძრავ ყინულზე ვოდოპიანოვის თვითმფრინავი.

პოლუსზე წითელი დროშა აფრიალდა...

იმავე რუდოლფის კუნძულიდან მეორე დღეს სამივე თვითმფრინავი მოსწყდა აეროდრომს. მფრინავები: საბჭოთა კავშირის გმირი მოლოკოვი, ალექსეევი და მაზურუკი უშიშრად გაემართნენ პოლუსისაკენ თავისი უზარმაზარი დატვირთული თვითმფრინავებით და უხიფათოდ დაეშვნენ ჩრდილოეთ პოლუსზე.

22 მაისს ექსპედიციის ხელმძღვანელი ოტო შმიდტი სასიხარულო რადიოგრამას უგზავნის საბჭოთა ხალხებს და მთელ მსოფლიოს:



„პირველი დღედავე გავატარეთ საბჭოთა პოლარულ სადგურზე, ჩრდილოეთ პოლუსთან. მრდრეიფე ყინულზე, თვითმფრინავის გვერდით, ხუთი კარავი გაჩნდა; მაღლა ამართულია რადიოსადგურის ორი ანძა მათი დამაკავშირებელი ანტენით. დადგმულია მეტეოჯიხური. სამფეხზე დგას თეოდოლიტი მზის სიმალის დაკვირვების მოსახდენად, სადგომი ადგილის გამოსარკვევად და მის გადასანაცვლებლად ყინულთა დრეიფისაგან... მოხარული ვართ გაცნობოთ, რომ შევძელით

შეგვესრულებინა ამხანაგ სტალინის დავალება და შეგვექმნა პოლუსზე მეცნიერებისა და ავიაციის მტკიცე ბაზა. ჩვენი ფიქრი ჩვენს დიად სამშობლოსთან არის.“

შმიდტი.


დასრულდა ბრწყინვალე გადაფრენა.


ჩრდილოეთის ყინულოვანი პოლუსი დაპყრობილია ჩვენი ქვეყნის სახელოვან ადამიანების მიერ.

ქარიშხალისა და ყინულეთის ქვეყანაში დარჩა 4 მამაცი მოზამთრე. ისინი ყოველდღიურად მიაწვდიან ცნობებს მთელ მსოფლიოს პოლუსის ბუნებრივ მოვლენათა შესახებ.

ძლევამოსილია ჩვენი ქვეყანა. მან ერთხელ კიდევ დაამტკიცა ეს ძლევამოსილება.

არ არსებობს დედამიწაზე ისეთი წერტილი, სადაც ვერ შეძლებს დაფრენას საბჭოთა თვითმფრინავი.





მაქრის ქურდი

სული არის, როცა უცებ
დაგერღვევა განცდა ტკბილი:
დღეს საშაქრე მაგიდაზე
ცარიელი დამხვდა დილით.
გამიკვირდა, ავბუზღუნდი:
— ვინ გამქურდა, ნეტავ, წუხელ?!
ნუთუ კიდეც არ დამინდობს
და ქურდობით შემაწუხებს?
როგორ მოხდა, ვერ გავიგე,
ავაზაკის მოსვლა, გავლა?
საით გაქრა? ნაქურდალი,
ნეტავი, სად გადაძალა?!
არც ფანჯრები გაუღია,
არც კარია გატეხილი...
უჩინარი ხომ არ იყო
ჩემი მტერი ეგზომ ფრთხილი?!
ვის მივმართო, ვის რა ვუთხრა,
ავაზაკის კვალი არ ჩანს!
ანდა წუხელ მაგიდაზე
მე შაქარი როგორ დამრჩა!

* * *

აივანზე მიმოვდივარ,
ვადავყურებ ხევს და ხრამებს.
მზე ჩადის და ბინდი ჩნდება
და ნისლივით მოდის ღამე.
გულში ვამბობ: — ჩემი მტერი
გამიხსენებს იქნებ კიდეც:
როგორც წუხელ, ამაღამაც
კვლავ მეწვიოს, კვლავ მოფრინდეს.
ძილის დროა, აივანთან
სიო არხვეს ნუშის რტოებს,
ფიქრში ვარ და ბოლოს განვებ
მაგიდაზე შაქარს ვტოვებ.

მსურს ამ ხრიკმა დამანახოს
მტრის სახე და შავი გული;
მინდა ჩემს წინ მალე იქნეს
მტერი მტრულად ალაგმული.
ვაქრობ ლამფას, მაგრამ ძილი
არ მომდის და არც სურს თვალებს.
ვწევარ ჩუმად და ოთახში
ღამის ჩრდილებს ებრძვის მთვარე.

* * *

აგერ რაღაც ბნელ კუთხეში
აფაჩუნდა, აწრუწუნდა.
თითქოს ამ დროს სეირნობა
კიდეც უნდა და არც უნდა...
უცებ ვზედავ: მაგიდაზე
შეცოცდა და გაირბინა,
საშაქრეში ცხვირი ჩაჰყო,
შეუცვალა შაქარს ბინა;
იატაკზე გადმოყარა,
ძირს დაეშვა თვითონ რბილად...
აი, თურმე, ჩემი მტერი,
ჩემი ქურდი ვინ ყოფილა!
გულზე ვსკდები, შაქრის ნატეხს
სად მიათრევს! აქ ვერ მხედავს?!
აი, თავო, ციციქნა თავვი
ჩვენს ბინაში რას გვიბედავს!
რაღა მეტემის, ვიღას ვუთხრა:
— თავვი მართმევს ლუკმას ალაღს!
წამოვხტი და ის წრუწუნა
მკვირცხლად საღლაც მიიმალა.
შერცხვეს ქვეყნად ჩემი კატა,
ტანად გონჯი, ერთი ცილა;
რომ ვარგოდეს, მარჯვე სკუპით
ამ ქურდისგან დამიხსნიდა.



მ ა ქ ს ი მ გ ო რ კ ი

გენიალური მწერალი მაქსიმ გორკი (ალექსი მაქსიმეს ძე პეშკოვი) დაიბადა 1868 წლის 16 მარტს (ძველი სტილით) ქალაქ ნიჟნი-ნოვგოროდში.

ათი წლის ბავშვი იყო ის, როცა სკოლას თავი დაანებებინეს. მოხუცი ბაბუა საბოლოოდ გალატაკდა, მამა აღარა ჰყავდა, დედაც ქლეკით გარდაეცვალა.

ობლად დარჩენილი პატარა ალექსი იძულებული იყო ცხოვრების გზა ეძებნა. და აი შედგა მან ფეხი ცხოვრების ეკლიან გზაზე.

პირველად ფეხსაცმელების მაღაზიაში მიაბარეს ხელზე მოსამსახურედ.

შემდეგ მხატვართან მუშაობდა, მაგრამ აქაც ისე არაადამიანურად ეპყრობოდნენ, რომ ალექსიმ ისევ ქუჩას მიაშურა.

აი ერთ დღეს მან გადაწყვიტა დაეტოვებინა ქალაქი ნიჟნი და სასწავლებლად ყაზანში წასულიყო.

ყაზანმა არ გაამართლა იმედები, სწავლაზე ფიქრიც კი ზედმეტი აღმოჩნდა.

ისევ ხეტიალი ერთი ადგილიდან მეორემდე, ისევ მტვირთავად, მებღელდ მუშაობა, მეუზოვეობა... ამ წლებში მან მოიარა მთელი პოვოლჟიე, დონი, უკრაინა და ბოლოს ბესარაბიაში გადავიდა.

ბესარაბიაში ალექსი მაქსიმეს ძე გორკი ღრმად გაეცნო იქაურ ხალხის ცხოვრებას, მათს ტრადიციებს, მათს მღელვარე მისწრაფებებს თავისუფლებისაკენ.

„მოხუცი იზერგილი“ — ეს მშვენიერი მოთხრობა, რომელიც გორკიმ შემდგომ გამოაქვეყნა, სწორედ ამ ხალხის ცხოვრებას გვიხატავს.

დადიოდა მაქსიმ გორკი ერთი კუთხიდან მეორეში, ეცნობოდა ხალხთა ცხოვრებას, ღრმად სწვდებოდა მათს ტკივილებს და ტანჯვას, სწავლობდა იმ სკოლაში, რომელსაც ცხოვრება ეწოდება.

და აი ამ სიარულში ალექსიმ ოდესას მიაღწია.

ერთ დღეს ოდესის ნავსადგურში ჩან ვიღაც ახალგაზრდა კაცი დაინახა. ამ ახალგაზრდამ იმ წამსვე მიიტკია მისი ყურადღება.

ეს უცნობი ქართველი აღმოჩნდა. იგი ალექსისთან ერთად წამოვიდა ტფილისისაკენ. ამ ვრცელ გზა-



ზე ეს უსაქმო ფრანტიც ალექსის შესანახი გახდა. ტფილისში რომ ჩამოვიდნენ, ალექსის თანამგზავრი სადღაც გაქრა. ალექსი მაქსიმეს ძე გორკი ამ დროს ოცდაერთი წლისა იყო.

ტფილისში ჩამოსვლისთანავე ალექსი პეშკოვი მთავარ სახელოსნოში მოეწყო კანტორის მოხელედ. მაგრამ იგი ამ თანამდებობაზე დიდხანს არ დარჩენილა. ალექსიმ ამ დროს ტფილისში გაიცნო რუსეთიდან გადმოსახლებული რევოლუციონერი კალუჟნი, რომელიც ყოველმხრივ ეხმარებოდა მას.

ალექსი პეშკოვი მალე საცხოვრებლად გადავიდა კალუჟნის ბინაში. კალუჟნი ხედავდა, რომ ეს ახალგაზრდა ადამიანი ძლიერ ნიჭიერი და შემოქმედების უნარით აღსავსე იყო. ალექსი ხშირად უამბობდა კალუჟნის სხვადასხვა ამბებს. ერთხელ კალუჟნის მან მოუთხრო ლეგენდა ადამიანებზე, რომელთაც მონობას სიკვდილი ამჯობინეს. ამ მოთხრობამ ისეთი მძლავრი შთაბეჭდილება მოახდინა კალუჟნიზე, რომ მან კატეგორიული წინადადება მისცა ალექსის — ეს მოთხრობა დაწერეო.

ასე დაწერა ალექსი პეშკოვმა თავისი პირველი მოთხრობა. ეს მოთხრობა იყო „მაკარ ჩუღრა“, იგი დაიბეჭდა მაშინდელ გაზეთ „კავკაზში“ მაქსიმ გორკის ხელმოწერით.

ამრიგად, მაქსიმ გორკიმ მწერლობა ტფილისში დაიწყო.

„მაკარ ჩუღრა“ — ეს იყო ახალი ფურცელი რუსეთის დიადი ლიტერატურის ისტორიაში. ამ დღეებიდან გორკიმ მჭიდროდ დაუკავშირა თავისი სამწერლო გზა პროლეტარიატის რევოლუციურ მოძრაობას. მე-19 საუკუნის მიწურული იყო. რუსეთს რეაქციის ბნელი ნისლი ეფარა. ლიტერატურაშიც მხოლოდ ქვითინის ხმა ისმოდა. ასეთ დროს ეს სამგლოვიარო ქვითინი დაფარა მაქსიმ გორკის მქუხარე ხმამ. „არსებული წყობილება უნდა განადგურდეს“ — ასეთი იყო იმ ცხოვრების აზრი, რომლის პროპაგანდისტად მოეწონა გორკი მაშინდელ რუსეთს. გორკის გამოხვლისთანავე მის წინააღმდეგ დაირაზმა რეაქციის ბნელი ძალა, მთავრობაც მიხვდა, რომ გორკის მიერ დასმული ცხოვრების საკითხების გადაჭრა მხოლოდ და მხოლოდ ბარიკადებზე შეიძლებოდა. აი სწორედ საბარიკადო ბრძოლების მოახლოების ეპოქაში, პირველი რევოლუციის გარიჟრაჟზე აიმაღლა ხმა მაქსიმ გორკიმ ძველი ქვეყნის წინააღმდეგ.

შემთხვევითი არ ყოფილა ის გარემოება, რომ ბაქოს ორგანიზაციამ ლადო კეცხოველის სიკვდილის გამო გამოცემულ პროკლამაციას ეპიგრაფად წაუშმღვარა გორკის სიტყვები: „ოჰ, შევარდენო, კარგო, მამაცო, მტერთან ბრძოლაში მთლად დიაცალე შენ სისხლისაგან“. გორკის ლიტერატურული და პოლიტიკური ავტორიტეტის ძლიერება ამ ფაქტშიაც ნათლად ჩანს.

გორკის გატაცება, მისი მისწრაფება რევოლუციური ქარიშხალი იყო. მას იტაცებდა ბრძოლა, ბრძოლა ცარიზმის ბნელი რეაქციის წინააღმდეგ. მებრძოლი იდეებით გამსჭვალულია გორკის პირველივე ნაწერები, მისი „ჭივჭავი (1893 წელი), „მოხუცი იზერგული“ (1895 წელი); „ქარიშხალი“ (1901 წ.) „ადამიანი“ (1903 წელი), მგზნებარე ოპტიმიზმით აღსავსეა ეს ნაწერები. „წინ და მალა“ — ასეთი იყო გორკის მოწოდება. მისი „სიმღერა შევარდენზე“ სამარადისოდ დარჩება როგორც უკვდავი ჰიმნი გმირობისა და თავგანწირული ბრძოლისა.

ამავე ხანებში გორკი წერს მთელ რიგ რეალისტურ მოთხრობებს („ყოფილი ხალხი“, „მოწყენილობისათვის“, „კირილკა“ და სხვ): აქ ნათლად დახატულია იმდროინდელი ცხოვრება, რომელიც გზას უხშობდა ადამიანს, დახატულია საზოგადოებრივი ყოფა, სადაც ბატონობს გაუმაძღარი ვაჭარი და კა-

პიტალისტი, სადაც მშრომელ ადამიანს სული ეხუთება.

1905 წლის რევოლუციის დროს გორკიმ მწერლობა დაიწყო. 1905 წლის რევოლუციის დროს გორკიმ მწერლობა დაიწყო. ნავე პოზიციებზე იდგა, იგი მონაწილეობას. ლებულობდა მოსკოვის დეკემბრის აჯანყებაში. 1906 წელს გორკი პარტიის დავალებით გაემგზავრა ამერიკაში. ამ მოგზაურობის დროს მან დაწერა რომანი „დედა“. ეს არის უდიდესი ეპოპეა რუსეთის მუშათა კლასის გმირული ბრძოლისა. „დედა“ ბოლშევიკური რომანია. რომანის გმირის პავლე ვლასოვის გადმოცემის დროს გორკის მხედველობაში ჰქონდა სორმოვის მუშათა ორგანიზაციის და 1902 წლის პირველი მაისის დემონსტრაციის ერთერთი ხელმძღვანელის კ. ზამოლოვის ფიგურა. ამ რომანმა მხატვრულად ასახა ადამიანი, რომლის სული და გული გასალკლდევებულია ბოლშევიზმით, ადამიანი, რომელსაც თავის ცხოვრების მიზნად მსოფლიო მუშათა კლასის ბედნიერებისათვის ბრძოლა გაუხდია.

ამ რომანის ერთი გმირი ამბობს. „მე გეუბნები, საჭიროა მთელი ცხოვრება გადახნათ როგორც მინდორი — დაუზოგავად. ვიცი, დადგება დრო, როცა ყოველი კაცი ისე იქნება მეორესთან, როგორც ვარსკვლავი. დედამიწაზე თავისუფალი ხალხი გაივლის. უნდა მოკვდე, რომ ხალხი აღდგეს. დაე დაიხოცონ ათასობით, რომ მთელ დედამიწაზე მილიონობით აღდგეს ხალხი. ეს არის საჭირო. სიკვდილი ადვილია! ოღონდ ხალხი აღდგეს“. ეს გმირული თავგანწირვა გორკის რომანების რევოლუციური გმირების განუყრელი თვისებაა. ასეთი მკვეთრად და მკაფიოდ გამოთქმული რევოლუციური იდეები ახასიათებდა გორკის რომანს „დედა“. სწორედ ამიტომ იყო, რომ თვითმპყრობელობამ აკრძალა ეს რომანი და იგი მთლიანად გამოვიდა მხოლოდ 1917 წლის რევოლუციის გამარჯვების შემდეგ. 1905 წლის რევოლუციის დამარცხების შემდეგ, რეაქციის წლებში გორკი პოლიტიკური ემიგრატის მდგომარეობაში გადადის, მიემგზავრება იტალიაში და იქ განაგრძობს ნაყოფიერ შემოქმედებით მუშაობას.

რევოლუციის შემდეგ გორკიმ გამოაქვეყნა ორი რომანი „არტამონოვების საქმე“ და „კლიმ სამგინის ცხოვრება“. ამ მაღალი ხარისხის მხატვრული რომანების გარდა გორკი აწარმოებდა დაუღალავ პუბლიცისტურ მუშაობას, იგი წინ მიუძღოდა საბჭოთა ლიტერატურას, ასწავლიდა მას; ეს დიდი მწერალი რაზმავდა მსოფლიო ინტელიგენციის კადრებს მუშათა კლასის დროშის ქვეშ.

ამხანაგი ლენინი დიდად აფასებდა გორკის შემოქმედებას. ლენინი წერდა: „გორკი უსათუოდ ყველაზე უფრო დიდი წარმომადგენელია პროლეტა-



რული ხელოვნებისა. მან დიდი საქმე გააკეთა და კიდევ უფრო მეტის გაკეთებას შეძლებს“. 1919 წელს ამხანაგი ლენინი წერდა: „ამხანაგი გორკი მტკიცედ დაუკავშირდა თავისი დიადი მხატვრული ნაწარმოებებით რუსეთისა და მთელი მსოფლიოს მუშათა მოძრაობას“.

და მართლაც, გორკი იყო რუსეთის მუშათა კლასის ჭეშმარიტი შვილი.

მაქსიმ გორკი—ეს იყო რუსული რეალიზმის გენიალური წარმომადგენელი, აღზრდილი ლენინ-სტალინის დიადი პარტიის იდეებზე, იგი იყო საუკეთესო მეგობარი მსოფლიო მუშათა კლასისა; განსაკუთრებულ მზრუნველობას იჩენდა გორკი საბჭოთა ახალგაზრდობისადმი. რამდენი მშობლიური

ყურადღება, მზრუნველობა და სათუთი გრძობაა ჩაქსოვილი მოზარდი თაობისადმი მის მრავალრიცხოვან ხოვან რჩევა-დარიგებებში, მის წერილებში. მხარგრძობა ახალგაზრდა ადამიანთან ჰქონდა მას მუდმივი პირადი მიმოწერა, თვალყურს ადევნებდა მრავალი ნიჭიერი ახალგაზრდის ზრდასა და განვითარებას. ერთ თავის წერილში იგი ამბობდა: „ჩვენი ახალგაზრდობისათვის მოპოებულია სამშობლო; იგი, ახალგაზრდობა, არის საუკეთესო შვილი უზარმაზარი, უმდიდრესი ქვეყნისა, რომელიც უხვად, თითქმის ყოველდღიურად აწვდის მას სულ ახალახალ განძს, ამან უნდა ასწავლოს ახალგაზრდობას თვითონ აღმოაჩინოს და განავითაროს თავის თავში ტალანტის, ნიჭის განძი“.

3. ნატროზვილი

ანჩხლი ჩიჭუნიაბი

(კოლიბრი)




ქვეყნად ყველაზე პაწაწკინტელა და ყველაზე ლამაზ ჩიტუნად კოლიბრი ითვლება. მისი სამშობლო შორეული ამერიკის მხარეა. მთელი რიგი მეცნიერები (ბურმაისტერი, ბუფონი, ბრემი, ლუნკევიჩი და სხვ.) მრავალმხრივ აკვირდებოდნენ ამ უჩვეულო ციციქნა ქმნილებას და მათ შესახებ საყურადღებო შენიშვნებს იძლევიან. კოლიბრის საერთო სიგრძე კრაზანას არ აღემატება, რის გამოც ამერიკელები მას ხშირად, ბუზჩიტას ეძახიან. გარეგნული შეხედულებისა და ჯიშის მიხედვით კოლიბრები 70 გვარად და 400 სახედ იყოფიან. იმის მიხედვით, თუ რა დამახასიათებელი ნიშანი გააჩნიათ—ორკაპი, ქოჩორი, არწივისებური ნისკარტი, განდევლობა და სხვა. იწოდებიან ორკაპა, ქოჩორა, არწივისისკარტა კოლიბრად და ა. შ. ეს საოცარი ლამაზი ჩიტუნები მრავალრიცხოვან გუნდებად ბინავდებიან იქ, სადა წარმტაც ყვავილებსა და პაწია მწერ-პებლებს აქვთ სამყოფელი. კოლიბრები დაულალავად დასდევენ მწერ-პებლებს, თავიანთი მჭრელი ნისკარტით მსხვერპლს წვრილ-წვრილად გლეჯენ და ამრიგად შეექცევიან. მათი პირის ჩასატკბარუნებელ საქმელად ხილის და ყვავილის ტკბილი წვენი ითვლება.

კოლიბრი ერთი იმ ფრინველთაგანია, რომელნიც თავიანთ ბუდეს ყველაზე მაღლა, მტკიცედ და ლამაზად აგებენ. ამ მხრივ მათ ბევრი არ ყავთ ღირსეული მეტოქე. ურთიერთ-შორის ისინი თანხმობით და მეზობლურად ცხოვრობენ, სხვათა მიმართ კი საშინლად თავხედი და მეტიჩრები არიან. ლუნკევიჩი მოგვითხრობს, რომ კოლიბრიმ არაფერი იცის უფროს-უმცროსობის შესახებ. მათი სასაცილო კანდიერება იქამდის მიდის, რომ თავმომწონე მიმინოც კი ყავთ დაბრიყვებული, ისინი ძლიერ ქორს არამაც თუ ერიდებიან, სადაც მოახელე-ბენ, თავში და ზურგში თავის პაწია ნისკარტს სთავაზობენ. ქედმაღალ ქორს არ სურს აპყვეს ციციქნების სისულელეს. დიდხანს დინჯად, სულგრძელად ითმენს შეურაცხყოფას, ბოლოს კი, მოთმინებიდან გამოსული, მკაცრ გაფრთხილებას აძლევს უზრდელს მეზობლებს. თუ ეს არ გაჭრის, გაჯავრებული გაფრინდება და ამით აღწევს თავს უსიამოვნო მდგომარეობას. ანჩხლ ჩიტუნებს არც ადამიანი აშინებს და აკრობს. მათი თავხედობა ამ მხრივ ძალზე სასაცილოა.


3ლ. კახიანი

გ ა ს ა რ თ ო ბ ი

რამდენი სამკუთხედი?




რამდენი სამკუთხედი აქაა ეჭვსაშთხინან ვარსკვლავში? პირველ შემხედვისას 12 პატარა სამკუთხედი ჩანს, ნამდვილად კი სხვაგვარად არის. მათ დათვალოთ ეს სამკუთხედეი.



სასჯენი

მასალა: ძაფის კოჭი და წვრილი, პატარა ჯოხი. იარაღი: ჯიბის დანა.

გათალეთ ჯოხი ისე, რომ ის მრგვალი იყოს და კოჭის მილთან შედარებით ოდნავ მსხვილი მოსჭერით ჯოხს პატარა ნაწილი, ერთი სანტიმეტრის სიგრძისა, და ჩასჭედეთ ცალი მხრიდან კოჭის მილში ისე, რომ ჰაერი არ გადიოდეს. მეორე მხრიდან კოჭს მოაჭერით თავი და იქვე ახლოს გაუკეთეთ ნახვრეტი, როგორც ნახატზეა ნაჩვენები. ჯოხს კიდევ მოაჭერით პატარა ნაწილი და გააპეთ ისე, რომ ერთი ნახვარი მეტი იყოს მეორეზე. ის ნაჭერი, რომელიც უფრო დიდია, მილში გაუკეთეთ ისე რომ ჩამონაპობი მხარე ნახვრეტისაკენ იყოს, და სასტენი მზად იქნება.





მხიარული მოგზაური

მხიარული მოგზაური №1 ქალაქში იმყოფება და სურს ნახოს ყველა 23 ქალაქი, რომლებიც ერთმანეთთან დაკავშირებული არიან გზებით. (როგორც ნაჩვენებია აქ მოთავსებულ ნახატზე).

მოგზაურმა გადაწყვიტა — თითოეულ ქალაქში ორჯერ არ შევიდეს და ერთსადიმავე გზაზე ორჯერ არ გაიაროს. მან 5 წუთის განმავლობაში შეძლო აღენიშნა მომავალი მგზავრობის მარშრუტი.

თქვენც სცადეთ. ბავშვებო, ამ ამოცანის გადაწყვეტა და შეგატყობინეთ: რომელი გზა აირჩია მოგზაურმა?




თაგები ასანთის ლეჩებით

ეს თამაში ხატვის მოყვარულთათვისაა, მაგრამ ნუ შეშინდებით, ხატვის უნარი აქ სრულფასობიდაც არ არის საჭირო. თქვენ ქალაქი და ფანქარიც კი არ დაგჭირდებათ...

სურათები უნდა გააკეთოთ მხოლოდ ასანთის ლერებით, ეს კი ყველას შეუძლია.

თითოეულ მათამაშეს ეძლევა 24 ცალი ასანთის ლერი, რის შემდეგაც მოთამაშებმა განსაზღვრულ დროში (3-5 წუთი) აპასანთის ლერებით უნდა დახატონ რაიმე სურათი ისე, რომ ასანთის 24 ლერი მთლიანად გამოიყენონ.

მოიგებს ის, ვინც ყველაზე კარგ სურათს გააკეთებს. აქ მოთავსებულია რამდენიმე სურათი თითოეული მათგანი 24 ლერისაგან შედგება.



ღ ე კ ე რ ი

მუსიკა თ. შავჩაივაშვილისა

წ. სპეციალ

Piano

The musical score is written for piano and consists of four systems of staves. The first system is marked 'Piano' and includes dynamic markings such as *sf* and *f*. The notation includes treble and bass clefs, a key signature of one flat, and a common time signature. The piece concludes with a *sf sf Fine.* marking.

შოთას ძეგლი



შოთა რუსთაველის ეს ძეგლი გაკეთებულია მოქანდაკე მ. მ-
კაბიჭვილის მიერ. ძეგლი კომპოზირებულია სპაგვირო კონ-
ქურსზე. იგი დაიდგება თბილისში შოთას დაბადებიდან
700 წლის თავის აღსანიშნავად.